

AGENDRE TRINITATIS

MINGGU 19 Juli 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 28**

28. FOLAKHÖMI LOWALANGI 1

do = a 4/4

MM = 88 - 96

1. Folakhömi Lowalangi: Ama, Ono, Eheha.
 Si Samösa Tölu Ia, no moroi ba mböröta.
 Haleluya, Haleluya no moroi ba mböröta.
2. Folakhömi Lowalangi: no Razo Solomasi.
 Lowalangi sangöhöli, sangorifi fefu soi.
 Haleluya, Haleluya sangorifi fefu soi.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU
SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
 He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 232

232. NO SOMUSO TÖDÖ NDRA' O

Lala : Tobali Ere Zo' aya (No. 231)

do = es 6/8

MM = 96 - 104

1. No somuso tödö ndra' o, me so khögu wangefa.
No I' orifi ndra' odo, horögu no iheta
Fa' abölö ndro Yesu, zamohouni tödögu.
Eheha Ibè khögu, Yesu, Yesu, Yesu.
2. No Isusugi dödögu, Ihagaini Eheha.
Ifa' ele' ö horögu, ba fefu golalöwa.
Reff: Fa' abölö ndro Yesu,

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Zefania 3:14-20**

14. A'iki, ya'ugö ono Ziona alawe, mi'owuawua'ö dödömi, ya'ami Iraono Gizeraëli! Omusoi'ö dödöu, ba a'iki, moroi si'aikö ba dödöu, ya'ugö ono Yeruzalema alawe!
15. No iböda wangotu'ö ya'ugö Yehowa, no itimba nemalimö andrö! No so ba khömi razo Ndraono Gizeraëli andrö, Yehowa: lö'ö sa'ae itörö ndra'ugö si lö sökhi.
16. Ba na luö da'ö, ba lamane ba mbanua Yeruzalema: Böi mibusi dödömi! Böi adada dangami, ya'ami Siona!
17. No so ba khömi Lowalangimi Yehowa, sabölö; möna ami ibe'e. Omuso dödönia ndra'ugö, owuawua dödö; lö hedehedenia, ba wa'omasinia andrö; ma'iki ia, owuawua dödönia ndra'ugö.
18. Sabu tödö andrö, me lö lakhamö gowasa, ba u'ozaragö, no iwami ira, ba no tohare wa'aila.
19. Ba na luö da'ö, ba ulau ba zamakao ya'ugö, fefu; ba u'orifi zi no mangohole'ö ya'ira ba u'ozaragö zi no muzaewe, ba ubali'ö fanuno ya'ira ba fangebua döira wa'ailara andrö, ba guli danö ma'asagörö.
20. Na luö da'ö, ba u'ohe mangawuli ami, na luö u'ozaragö ami. Ubali'ö nisuno sa'ae ami ba sebua töi, ba niha ba guli danö fefu, na ufuli utolo ami, ba zanehe ami, iwa'ö Yehowa.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi

Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

: Da tafondrondrongo daroma Li Lowalangi, tehalö moroi ba zura **Yohane 10:11-16**

- 11.Ya'odo gubalo si sôkhi andrö. Kubalo si sôkhi ibelegö nosonia föna mbiribiri.
12.Moloi genoni, si tenga kubalo, si tenga sokhõ biribiri, na i'ila nasu gatua moroi sa, iröi mbiribiri, ba ira'u asu gatua ba ifazawili.
13.Me enoni ia, ba me lö ba dödönia mbiribiri.
14.Ya'odo gubalo si sôkhi andrö, ba no aboto ba dödögu dâna khögu, ba no aboto ba dödö dâna khögu ndra'odo.
15.Si mane fa'aboto ba dödö Namagu ndra'o, ba si mane fa'aboto ba dödögu Namagu. Ba ubelegö nosogu föna mbiribiri.
16.Ba so khögu na mbiribiri bö'ö, si tenga moroi ba kandra andre, ba lö tola lö uhalö ira, ba lafondrondrongo ligu dania ba tobali ha sambawá nikubaloi ba ha samösa gubalo.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, Sifao fangowuloi ame'ela Persembahan Kasih. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö **Numero 263**

263. DA TASUNO LOWALANGI SAMATÖRÖ

Lala : Halleluya Khö Yehowa (No. 1)

do = f 4/4

MM = 96 - 104

1. Da tasuno Lowalangi, samatörö ya ' ita.
No Ifahowu'ö ita, sandrohu fa ' aurida.
Ta' andrö saohagölö, wa ' omasi Zo ' aya.

- 2. Tuho goroisa Zo’ aya, ba daroma li-Nia.
Da ta’ omasi’ ö la, he göi awöda niha.
Da ta’ oigö dödöda, ta’ o’ ö, tafalua.
- 3. No göi dumaduma khöda, wa’ omasi Zo’ aya.
Lö Ibe’ e ba’ aba’ a, fefu ngawalö zala.
Fa’ omasi Zo’ aya, duhu tebai nisu’ a.
- 4. Da fao ita ba wangandrö, wangelulu khö-Nia.
Ta’ andrö Geheha-Nia, sangabölö ya’ ita.
Ya sanau ölö ita, wamati khö Zo’ aya.
- 5. Fa’ omasi wangoroma, na hasara dödöda.
Fa’ omasida nawöda, böi tebulö he ara.
Ya böi olifu ita, wa’ omasi Zo’ aya.

Na no awai la’owuloi/lafa’ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la’o’ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA’E ZUMANGE ¹

Ira’alawe□

- 1. Ya ’ e zumange fasömbata, ma ’ ohe sumange Yehowa.
Iramatua
Reff :Ma’andrö khö-U fahowu’ö zumange ni ’ohema khö-Mö
- 2. Ya’e zumange fasömbata mabe’e soroi ba dödöma.
Reff : Ma’andrö khö-U
- 3. Ya’e zumange fasömbata buala si’otarai Nama.
Reff : Ma’andrö khö-U
- 4. Ya’e zumange fasömbata, boto, noso, ba fa’aurima
Reff : Ma’andrö khö-U
- 5. Ya’e zumange fasömbata, lö irugi zomasi dödö-U.
Reff : Ma’andrö khö-U
- 6. Ya’e zumange fasömbata, ma’aohasi gölö Zo’aya.
Reff : Ma’andrö khö-U

FANGANDRÖ : *(Fangandrö nidönia’ö fasamösa zangowuloi fasömbata, aefa da’ö ba lafa’ema ba Danga zangai huhuo, itema’ö sangai huhuo awena itou’ö ba dete meza. Ba na so Wasömbata si sambua ni’ofulu, owasa wanaru ma owasavwamasi, btn ba itema’ö sangai huhuo si fao taroma Li Lowalangi si faudu ba wasömbata ni’ owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni’olohesi:
Koor ba Vokal Group
- a. Koor Jemaat
 - b. Kegiatu Komisi Perempuan
 - c. Kegiatu sektor 3
 - d.

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

- 1. Uhonogö sibai dödögu ba wamondrondrongo li Mö Yesu
Mangalulu ndra’odo föna-U ba gametahö-Mö ia da ’a
Öbayoini Eheha-U Yesu dozigö mbanua samati khö-U.
Ubokai dödögu khö-U Yesu nahia daroma li-U.

Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.

Taroma li-Mö si möi fangabölö utema 'ö soroi ba dödö, tolo ba wolo'ö.

10. HUUHUO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Esitera / Ester 9:11-19 (Tuho Migu: Luo wa'omuso Dödö ba Mbanua-Nia / Hari Sukacita Bagi Umat-Nya)*
 - b. Fanuriaigö
 - c. Nitano ba dödö. *Zefania / Zefanya 3:17a (No so ba khömi Lowalangi Yehowa, sabölö; möna ami Ibe'e. / Tuhan Allahmu ada di antaramu sebagai pahlawan yang memberi kemenangan.)*
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So 'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amonio, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amonio, ba ufati ha sambua mbanua ni'amonio, fefu niha Keriso, fa'awösa niha ni'amonio, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 249 ayati 1-2**

249. BÖI RÖI NDRA' AGA YESU ¹

do = g 4/4

MM = 96 - 104

1. Böi röi ndra ' aga Yesu, wanörö lalama.
Afu lö elunguga, me so wabaliwa.
2. Ya monahia khöma, daromali-U andrö.
Afu lö maböhöli wanara lahe-Mö.

15. FANGANDRÖ SALAHI + FAMATENGGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 491 ayati 3

249. BÖI RÖI NDRA' AGA YESU 1

do = g 4/4
MM = 96 - 104
3. Be' e khöma wangöna, si' otarai khö-Mö.
Böbölöwi si duhu baru fa' atulö.

SH : YA'AHOWU

SATO : YA'AHOWU